

Cwrt Linden  
Clos Ilex  
Llanisien  
Caerdydd  
CF14 5DZ

Ffôn 029 2076 1861  
Ffacs 029 2076 3163

[www.hefcw.ac.uk](http://www.hefcw.ac.uk)

Cyngor Cyllido Addysg  
Uwch Cymru  
Higher Education Funding  
Council for Wales

hefcw

## Datganiad i'r wasg

**Dyddiad:** Dydd Mawrth, 23 Mai 2006  
**Teitl:** Ymgyrredd ymhellach i godi dyheadau

Mae Llywodraeth Cynulliad Cymru wedi cadarnhau'n ddiweddar ei hymrwymiad i gyllido'r cynllun Ymgyrredd yn Ehangach yng Nghymru am ddwy flwyddyn academaidd arall.

Rhodddwyd £2m o'r neilltu i gyllido'r cynllun yn 2006/07. Mae'r Cynulliad hefyd yn edrych ymlaen at ddarparu £2m arall yn y flwyddyn academaidd 2007/08.

Mae'r cyhoeddiad y bydd y cynllun yn cael ei gefnogi hyd fis Gorffennaf 2008 yn golygu y bydd cyfanswm o dros £11m wedi cael ei fuddsoddi ers i Jane Davidson, Gweinidog Llywodraeth y Cynulliad dros Addysg a Dysgu Gydol Oes, gyhoeddi'r cyllid cyntaf ar gyfer *Ymgyrredd yn Uwch Ymgyrredd yn Ehangach* ym mis Mawrth 2002.

Mae'r pedair partneriaeth a gyllidir drwy Ymgyrredd yn Ehangach yn cynnwys prifysgolion, colegau, ysgolion a chyrrff eraill yng Nghymru sy'n gweithio gyda'i gilydd i gynnig cyfleoedd dysgu newydd a heriol o fewn cymunedau lleol. Mae digwyddiadau a gynhaliwyd gan y partneriaethau hyn wedi cael eu cydnabod yn genedlaethol.

Cafodd *Prifysgol Haf Cymru* a gynhaliwyd gan **Bartneriaeth Ymgyrredd yn Ehangach Gorllewin a Chanolbarth Cymru** ei chydabod gan Brifysgolion y DU ym mis Rhagfyr 2005 fel 'menter ehangu mynediad arloesol a llwyddiannus'. Yng nghynhadledd Ymgyrredd yn Ehangach 2006, a gynhaliwyd ar 6 Ebrill, siaradodd

Debbie Davies am yr amser a dreuliodd fel myfyriwr ac fel arweinydd yn y Brifysgol Haf:

‘Mae’r profiad o fod yn fyfyrwr ac arweinydd yn y Brifysgol Haf wedi codi fy hunanhyder yn aruthrol. Hyn sydd wedi fy arwain at ddewis dysgu fel gyrfa, gan fy mod i’n gwybod y gall cael addysg dda dan arweiniad pobl sydd â gwir ddiddordeb yn eich llwyddiant wneud cymaint o wahaniaeth.’

Mae digwyddiadau *Anelu am Addysg Goleg* a gynhelir gan **Partneriaeth De Orllewin Cymru** yn annog disgyblion lleol i ddarganfod rhagor am fywyd myfyrwr, y gwahanol lwybrau i brifysgol a choleg, a’r amrywiaeth o gyrsiau sydd ar gael. Dywedodd Jane Jones, y Cydgysylltydd Cyfnod Allweddol 3 yn Ysgol Bishop Gore, fod y diwrnod *Anelu am Addysg Goleg* a fynychwyd ganddi hi a’i disgyblion yn un o’r ‘teithiau ysgol gorau’ yr oeddynt wedi’i gael. Hyd yma mae dros 2,000 o ddisgyblion o 21 o wahanol ysgolion yn ardal Abertawe a Chastell-nedd Port Talbot wedi cymryd rhan mewn digwyddiadau o’r fath.

Bydd **Partneriaeth Ymgyrraedd yn Ehangach Gogledd Cymru** yn lansio ei *rhaglen mentora* yn Eisteddfod yr Urdd ar 29 Mai 2006. Nod y rhaglen yw codi dyheadau disgyblion Cymraeg eu hiaith, gan eu hannog i barhau i astudio drwy gyfrwng y Gymraeg yn y brifysgol neu’r coleg. Daw’r mentoriaid hŷn yn gynghorwyr ac yn fodolau rôl cadarnhaol i’r disgyblion ifanc.

Mae **Partneriaeth De Ddwyrain Cymru (First Campus)** yn rhagbrofi rhaglen *Gweithredu ar Wyddoniaeth* a fydd yn cael ei hymestyn ar draws Cymru yn yr hydref. Nod y rhaglen hon yw codi ymwybyddiaeth o fathemateg, gwyddoniaeth a phynciau’n gysylltiedig ag iechyd yng Nghyfnod Allweddol 3 ac uwch mewn ysgolion ac ymysg grwpiau cymunedol drwy Gymru. Mae’n annog y disgyblion i ystyried gwneud cais i astudio pynciau gwyddonol mewn prifysgolion a cholegau.

Wrth siarad yng Nghynhadledd Genedlaethol Ymgyrraedd yn Ehangach 2006, dywedodd Christine Chapman, y Dirprwy Weinidog dros Addysg sydd â chyfrifoldeb dros Addysg 14-19:

‘Mae pawb sy’n gweithio ym myd addysg yn cydnabod bod y Partneriaethau Ymgyrraedd yn Ehangach yn chwarae rhan allweddol yn agenda ehangu mynediad a chyfle cyfartal Llywodraeth y Cynulliad ar hyd a lled Cymru.’

Meddai’r Athro Phil Gummett, Prif Weithredwr CCAUC:

'Mae'r Partneriaethau Ymgynraedd yn Ehangach wedi datblygu amrywiaeth fawr o weithgareddau arloesol i ysbrydoli pobl o bob oedran i wella eu sgiliau a gwneud cais i ddilyn cwrs addysg uwch. Mae ymrwymiad y Cynulliad i gefnogi Ymgynraedd yn Ehangach am ddwy flynedd arall yn deyrnged i lwyddiant y fenter ac mae'n sicrhau y bydd y pedair Partneriaeth Ymgynraedd yn Ehangach yng Nghymru yn gallu parhau â'u gwaith.'

Cynllun ehangu mynediad tymor-hir a reolir gan CCAUC yw Ymgynraedd yn Ehangach. Ei nod yw gwella medrau dysgu a hybu dyheadau addysgol er mwyn galluogi mwy o ddisgyblion ysgol ac oedolion i astudio mewn prifysgolion a cholegau. Mae'n cynnig amrywiaeth helaeth o raglenni arloesol i'w helpu i ddysgu sgiliau newydd ac astudio â hyder. Cynhelir cannoedd o ddigwyddiadau bob blwyddyn drwy Gymru gyfan, mewn ysgolion, colegau, prifysgolion a chymunedau lleol.

Diwedd.

### **Cysylltiadau i'r cyfryngau**

Emma Rączka, Rheolwr Cyfathrebiadau - 029 2068 2225.

Dale Hall, Pennaeth Cynllunio a Llywodraeth Gorfforaethol - 029 2068 2280.

I gael rhagor o wybodaeth am y cynllun Ymgynraedd yn Ehangach, cysylltwch ag Emma King, Swyddog Cenedlaethol Ymgynraedd yn Ehangach, ar 029 2068 2201 neu yn [emma.king@hefcw.ac.uk](mailto:emma.king@hefcw.ac.uk).

### **Nodiadau i Olygyddion**

#### **1. Cefndir - CCAUC**

Corff Cyhoeddus a Noddir gan y Cynulliad yw Cyngor Cyllido Addysg Uwch Cymru (CCAUC). Fe'i sefydlwyd ym mis Mai 1992 a daeth yn gyfrifol am gyllido addysg uwch yng Nghymru ar 1 Ebrill 1993.

O dan Ddeddf Addysg Bellach ac Uwch 1992, mae'r Cyngor yn gyfrifol am weinyddu'r cyllid a roir gan y Cynulliad i gynnal yr addysg a ddarperir a'r ymchwil a wneir gan sefydliadau addysg uwch a chyrsgiau addysg uwch penodedig a ddarperir mewn sefydliadau addysg bellach.

O dan Ddeddf Addysg 1994, mae'r Cyngor yn gyfrifol am achredu darparwyr hyfforddiant cychwynnol ar gyfer athrawon ysgol ac am gomisiynu ymchwil i wella safonau athrawon a hyfforddiant athrawon.

Yn ogystal â'i gyfrifoldebau cyllido, mae'r Cyngor yn cynghori Cynulliad Cenedlaethol Cymru ar anghenion ariannol, dyheadau a phryderon y sector addysg uwch yng Nghymru.

### **3. Colegau Addysg Bellach**

Mae CCAUC yn cyllido peth darpariaeth addysg uwch yn uniongyrchol mewn Colegau Addysg Bellach. Mae'r arian a dderbyniant ar gyfer eu darpariaeth AU yn gyfran fach iawn yn unig o incwm y CABau. Llywodraeth Cynulliad Cymru sy'n darparu'r rhan fwyaf o'r cymorth ariannol ar gyfer y sefydliadau hyn. Am y rheswm hwn, nid yw'r Cyngor erioed wedi ceisio cymedroli'r canlyniad cyllido (drwy ymgodi i CMC (*GDP*)) ar gyfer y sefydliadau hyn yn nhermau eu darpariaeth addysg uwch. Mae hyn yn golygu y gall cyllid blwyddyn-ar-flwyddyn ar gyfer darpariaeth addysg uwch mewn CABau amrywio cryn dipyn gan ddibynnu ar nifer y myfyrwyr a recriwtiant.